

Članak Visokog predstavnika, Wolfganga Petritscha: "Kakve vodje treba Bosna i Hercegovina, Uklanjanje prepreka za preuzimanje odgovornosti"

Poruka koju ja stalno ponavljam i koja je upućena ovoj zemlji jeste poruka o "odgovornosti", što znači da i zvaničnici i građani trebaju preuzeti ulogu izgradnje budućnosti Bosne i Hercegovine. Oni zvaničnici koji svoj lični, nacionalni ili stranački interes stave ispred svoje profesionalne obaveze da služe ovoj zemlji i njenim građanima predstavljaju ozbiljne prepreke na putu pomirenja, prosperiteta ili priključenja BiH evropskoj porodici država.

Cetiri godine nakon Daytonu, mnoge od onih snaga koje su podijelile ovu zemlju još uvijek su na položajima. Uz loš uticaj koje njihovo prisustvo ima, oni koji žele napredak su u situaciji u kojoj ih se sprečava da prestanu sa uskogrudnom mržnjom i sumnjivim aktivnostima, ili im se čak i prijeti. Ambasador Barry i ja smo zaključili da koncept odgovornosti ne može zazivjeti zbog opstrukcionista koji su još uvijek na funkcijama u organima vlasti. Sa žaljenjem smo zaključili da nema alternative nego da u ponedjeljak smijenimo 22 zvaničnika sa njihovih položaja.

Nekoliko sati nakon ovih smjena, i u moj Ured i u OSCE su počeli pristizati telefonski pozivi, pisma i telegrami zahvalnosti od običnih građana iz BiH. Ljudi iz svih krajeva zemlje nam govore da oni žele da njihova prava budu zaštićena te da imaju zvaničnike koji ispunjavaju svoje dužnosti. Oni

shvataju da ministar pravde ne bi trebao da se mijesa u odluke sudova da bi one sluzile njegovim politickim ciljevima; i da ministar unutrasnjih poslova ne bi trebao da odbije da suspendira policajca koji je osudjen zbog napada; i da nacelnik općine koji odbija da uspostavi općinski ured za stambena pitanja ne bi trebao sprecavati gradjane da se vracaju u svoje prvobitne domove, te da ih u tome ne bi trebao sprecavati niti zvanicnik ureda za stambena pitanja koji odbija jedan zahtjev za drugim, otvoreno krseci imovinske i stambene zakone.

Obicni gradjani su culi poruku medjunarodne zajednice da pomoc i investicije nece biti osigurane za općine u kojima se upravlja na antidaytonski nacin. Oni znaju da donatori smanjuju nivo svoje pomoci u BiH. Moze se desiti da općine koje su izostavljene zbog toga sto njihovo rukovodstvo nije postivalo obaveze nikad ne prime pomoc i investicije koje su im potrebne za otvaranje radnih mjesta i osiguranje ekonomskog napretka, osim ukoliko njihovo rukovodstvo ne otvori put ka napretku i buducnosti.

Vi i vasa zemlja trebate vodje kojima su vasi interesi u srcu, koji postupaju u skladu sa zakonom i provode zakon, koji implementiraju odredbe Daytonskog mirovnog sporazuma. Vama trebaju takve vodje ne samo zato da biste mogli dobiti posao, da biste pravdu ostvarili na sudu, da bi vas stitila profesionalna policija, da biste se mogli vratiti i uci u posjed vasih stanova i imovine. Vama isto tako trebaju takvi politicari kako bi se Bosna i Hercegovina mogla pridruziti Evropi, koja ceka da ju prihvati.

Principi koje zagovara medjunarodna zajednica u BiH su osnove za njeno clanstvo u Evropi, pri cemu Vijece Evrope predstavlja prvi korak. Nema razloga da, ukoliko i zvanicnici i gradjani preuzmu odgovornost za buducnost ove zemlje, BiH ne bude istinski evropski partner.

Ja vjerujem u ovu zemlju i njene ljude. Uvjeren sam da ce

gradjani BiH drzati za rijec najvise vodje u ovoj zemlji u pogledu ispunjavanja njihovih obaveza iz Njujorske deklaracije, u kojoj se kaze da "u politici Bosne i Hercegovine nema mjesta antidaytonskim snagama koje zagovaraju etnicku mrznju i podjelu." Krajnje je vrijeme za stvarnu promjenu u Bosni i Hercegovini. U onim slucajevima u kojima smo ambasador Barry i ja uspjeli identificirati i dokazati konkretne prepreke koje blokiraju buducnost ove zemlje, mi smo svoj dio posla uradili. Sada je na vama red.

Clanak Visokog Predstanika Wolfganga Petritscha